



اوشاغین اوستونه قیشقیرماق سیزدن کنترولن ایتیرمیش بیر حیرصلی تصویری یارادیر. جسارتی اوشاقلار اؤزلرینی بؤیوکلرینن بیر گوجده و یا حتی اونلاردان داها گوجلو بیلیرلر. سیزین نا مناسب رفتاریز اونلارین بو فکرینی داها دا آلوولاندیرار. یادیزدا اولسون اوشاقلار آتا آنالارنی کنتلدان چیخمیش گۆرنده نا امنلیق حسّ ائدرلر. مطالعهلر اوشاقلارین تربیتینده قیشقیرماقدان استفاده ائلهین والدینلرین، بو عمل اینن اونلارا روحی صدمه ووردوقلارینی گۆرسدیر.

سیز اوشاغین اوستونه قیشقیراندا اونو دا منفی عکس العمل گۆرستمایا سوق وئیررسیز. اونون بو عملی مقابلینده سیز داها دا آرتیق قیشقیررسیز و بو دعوا بؤیویونجن دالیسی گلیر و مشکلده حل اولمور. اما بو مسأله نین حلّی وار:

اطلاعاتیزی چوخالدین: بیریمینجی آدیما سیزین قیشقیرماغیزا سبب اولان مسأله نین تاپین. اویناتمالی لارینی ائوه داغیدیب؟ نمنه سیزی غضبلندیریب؟ اونو تاپیب و وضعیتی آراملاتماغا الیزدن گلن یولو آختارین.

اؤزوه بیر داها قیشقیرماماغا سؤز وئیرین: بو ایده ساده و فایدا سیز نظره گله بیلر، اما هر رفتار دیشمینن، اؤزوده مثبت خصوصیتلری تقویت ائلهماقدا اولدوغونو بیلین.

آرام دانیشین: بعض اتفاقلار دؤزولمز اولسا دا آرام دانیشماغا چالیشین. اوشاقلارین دا ایشلریندن ال چکیب سیزه دقت اینن قولاق آسماقدان ساوای چاره لری یوخدور. بئله لیغینان سیز آرام قالیرسیز و اوشاقلار و هامی بیر-بیرلرین سؤزلرینه نئجه قولاق آسماغی اؤرگشدرلر.

انتظارلاریزی مدیریت ائلهین: قیشقیرماماغیزی ایسته سز یولونو دا هامارلامالیسیز. عاغیللی حرکت ائله سیز چتین ایش گۆرماق لازم گلمه جاق. اگر اویناتمالیلارین داغیناقلیغینا گۆره اونا غضبلنرسیز، اوینایا بیلدیغی اویناتمالیلارین ساییسینی آزالدین. نتیجه ده هم قیشقیرماسیز و هم زحمتیز آزالار.

هر شئی اورگیزه آلمایین: اوشاقلاریزین ایشلری بارده اوتوروب دوشونسز، اونلار بعضاً سیزی غضبلندیرسه لر ده بو ایشی قصد و غرض اینن گۆرمه دیقلمینی بیله جاقسیز.

مقایسه ائله مین و شاکر اولون: اؤزوه آیری والدینلری و یا اوشاقلاریزی آیری اوشاقلارینان مقایسه ائله ماق سیزه خوشا گلمزلیقلارا چاتان اوتوبانا سالار. زندگانلیغا شاکرانه باخساز داها آرتیق پوتانسیلر گۆره جاقسیز. اوشاقلاری سیزین اوشاقلار کیمی سالم اولمایان و قیشقیرمادان و اعتراض ائتمه دن یئرلرینی سیزینله دیشماق آریسیندا اولان آتا آنالارا دوشونون.